

53.

Piacenza.

1851/1852

1852

(Piacenza) Aless. Tarnice

DM 27-

LB 147980

fol. 28566

DECRETO FATTO

Per vniuersal decoro della Città di Piacc̃za dall' Illustrissimo
& Eccellentiss. Prencipe Alessādro Farnese l'āno 1567. per il
quale ogni persona, volendo fabricare, può liberare ò fondi,
ò case, c' habbia in detta Città, come nell' infraferitto Decre-
to, chiaramente si vede; stampato appresso Vincenzo Conti
l'Anno 1569. acciò venghi in cognitione, & che ogni
vno se ne possa à suo piacer' accomdare.



In Piacenza appresso Vincenzo

Conti M. D. L. X. I. X.

ALEXANDER FARNESIVS

Placentiæ & Parmæ Princeps &c.



Amdiu valdè optauimus, vt vrbs nostra Placentia nobilissimis, magnificentissimisque ædificijs indies auctior, ac splendidior reddatur, quo ipsa vt fœcundo feracique agro vberima est, ita & specie, & elegantia viarũ & ædificiorũ, & ciuibus & peregrinis gratissima, iucundissimaque appareat. Proinde cum relatum nobis sit multos ex ijs ciuibus, qui vel spontè, vel ab ædilibus publici ornatus gratia iussi, eorum domos ampliores cõstruerent, atque ad architecturæ normam dirigerent, & exornarent, cunctari ac pertimescere, ne si in illis areis, & ædiculis, in quibus vel volentes, vel iussi ex ædificarent, quoniã directum dñium est alienũ, & pro his annuã pensionem soluunt, aliquot post annos sumptus in illis extruendis factos amittāt, vel difficillimè eos factos probare possint, vel saltem in ijs alienandis laudemij onere premantur; Iccircoque directis dñis optimã conditionem proponunt, quò sibi directũ dñium liberè tradant & vendant. Cũq; etiam intellexerimus nōnullos esse, qui domos emerint cum pacto, vel ad statutam diem vel ad vendentium arbitrium redimendi, nuncq; paratos esse iustum & integrũ pretiũ explere, dũ priora pacta rescindantur; vel saltem impensarũ in ijsce ædibus exornandis ratio habeatur, vt cum ipsi venditores domos suas redemerint, eam omnem impensam persoluant, quod tamen adhuc ab ipsis impetrari non potuit. Nos igitur volentes huiuscemodi impedimenta prorsus abscindere, dilectissimosq; nostrę vrbs subditos & ciues alacriores, & promptiores ad eam pulcherrimis substructionibus, & ædificijs exornanda reddere etiam in hac re vestigijs Illustrissimi Principis parentis nostri bo. me. inhærentes, hoc nostro perpetuo permanfuro Decreto sancimus,

mus, vt si quis post hac in eadem ciuitate nostra Placen. vtile dñium alicuius domus habuerit, eamq; vel spontè, vel ab ipsis ædilibus iussus ædificare voluerit, ac eiusdem directū dominium emere, seq; ab annua illa pensione, quā directo dño soluit eximere, possit directum dñm ad hoc compellere ipso in ius vocato coram Prætore eiusdem vrbs, eiusq; ædilibus, qui sine vllō iuditio, & quotienscunq; eis placuerit manu regia id exequantur, & perficiant, cogantque habentes directū dñium, vt eorum arbitrio, vel illud vendent ijs qui habent vtile, recepto tamen ab eis duplo iusti pretij, quod hoc modo esse declaramus, vt si pensio librarū quinque imperialium annua pro ea soluatur, pretium iustum sit librarum ducentarum, & sic semper iustum pretium habita huiusmodi ratione censeatur, vel eodem duplicato pretio, eademq; habita ratione vtile dñium emant, & ipsas domos ita construant, & exornent, vt vtilēs domini, vel spontè, vel iussi facere constituerant. Hoc idem etiam seruetur in ijs, qui pactum habent redimendi domos, vt cogantur remittere illud pretio ab ipsis ædilibus declarando, vel liberum sit ijs, qui pactum habent redimendi prouidere, vt diligenter annotetur, & describatur quantum impensæ in ædificandis, ornandisq; illis domibus factum fuerit, vt cum ipsi suas domos redimere voluerint teneantur, ac debeant non iustum pretium modo, verū etiam supputatum totum illum sumptum ipsis emptoribus restituere, & hæc omnia seruari post hac perpetuo volumus, & mandamus, nō obstantibus quibuscunq; in contrarium facientibus. Dat. Placentiæ die 18. Aprilis 1567.

Die xxvj. superscripti, publicatum fuit superscriptum
proclama.

prochman.
Dix xxvj. thmpt.



